



“Navoiy kon-metallurgiya kombinati” aksiyadorlik jamiyati

PRESS-RELIZ

2023-yil 31-oktabr

2023-yil 31-oktabr kuni “NKMK” AJ Navoiy mashinasozlik zavodida Navoiy kon-metallurgiya kombinati tashkil topganligining 65 yilligi hamda Navoiy mashinasozlik zavodi tashkil topganligining 60 yilligiga bag'ishlab ommaviy axborot vositalari vakillari va jurnalistlar uchun press-tur va matbuot anjumani o'tkazildi.

Press-tur davomida OAV vakillari va jurnalistlar zavodining yirik sexlarida bo'lib, korxonada ish jarayonlari va ishlab chiqarish quvvatlarini oshirish bo'yicha olib borilayotgan amaliy ishlar bilan yaqindan tanishib, ishchi-xodimlar bilan suhbatlashdilar.

Ta'kidlandiki, bugungi kunda mazkur zavod mahalliyashtirilgan va import o'rnini bosuvchi mahsulotlar ishlab chiqarish bo'yicha respublikamizda eng yuqori o'rinlarni egallab kelayapti. Ayni paytda korxonada **3,5 ming nafar** muhandis-texnologlar, metallurklar, mexaniklar, konstruktorlar va boshqa kasb egalari fidokorona mehnat qilishmoqda.

Navoiy mashinasozlik zavodida **15 ming turdan ortiq** yuqori sifatli mahsulotlar, shu jumladan, metall va yog'ochga ishlov beruvchi dastgohlar, yirik kon texnikalari uchun detallar ishlab chiqarilmoqda. Kombinat ehtiyoji uchun zarur bo'lgan **97 foizlik** ehtiyot qismlar, uskuna va jihozlar NMZda tayyorlanmoqda.

2023-yilda zavod ishlab chiqarish quvvatlarini oshirish doirasida “Mexanik yig'uv sexini texnik va texnologik qayta jihozlash” loyihasi amalga oshirildi. Mazkur loyiha bo'yicha sexning yangi binosi qurilib, zamonaviy, samaradorligi yuqori dastgohlar ishga tushirildi. Yangi sexning ishga tushirilishi og'irligi 980 tonnagacha bo'lgan tegirmonlar, shuningdek, yanchish uskunalari, nasoslar, quyultirgichlar ishlab chiqarish va ularni ta'mirlash, og'irligi 400 tonnagacha bo'lgan yirik o'lchamdagi jihozlarga ishlov berish imkonini berdi.

Shu bilan zavodning Quymachilik sexida ishlab chiqarilgan mahsulotlar hajmini oshirish maqsadida 25 tonnalik zamonaviy metall eritish pechi ishga tushirildi. Ushbu pech metall eritish quvvatini yiliga 30 foizgacha oshirish imkonini beradi.

Soʻng tadbir ishtirokchilari uchun NMZ majlislar zalida matbuot anjumani tashkil etildi.

Matbuot anjumanida OAV vakillari va jurnalistlar savollariga atroflicha javoblar berildi.

Navoiy kon-metallurgiya kombinati – yuksak sifat, samaradorlik va ijtimoiy himoya kafolati! Kombinatda olib borilayotgan keng koʻlamli amaliy ishlar natijada ishlab chiqarish samaradorligi va mehnat unumdorligini oshirish hamda mahsulot tannarhini pasaytirishga xizmat qiladi.

Murojaat uchun maʼlumotlar:

“NKMK” AJ Matbuot xizmati, Ish telefonlari: **+99879 227-75-88, 227-74-73**

“NKMK” AJ rasmiy veb-sayti: www.ngmk.uz

“NKMK” AJning ijtimoiy tarmoqlardagi rasmiy sahifalari:

www.t.me/ngmkofficial

www.fb.com/nkmkofficial

www.instagram.com/nkmk.official

www.youtube.com/nkmkofficial

www.linkedin.com/company/jsc-nmmc/

www.twitter.com/jsc_nmmc

Maʼlumot uchun:

"NKMK" AJ jahonda oltin ishlab chiqaruvchi yirik kompaniyalar toʻrttaligiga kiradi. Kombinat yer osti boyliklari zaxiralari geologik qidirish, qazib olish va qayta ishlashdan toʻ tayyor mahsulot olishgacha boʻlgan ishlab chiqarish jarayonlari toʻliq amalga oshiriladigan yirik sanoat klasteridir. Kombinat zamonaviy kon-transport va texnologik uskunalar, ilgʻor texnologiyalar bilan jihozlangan konlar, zavodlarga ega zamonaviy korxonadir. "NKMK" AJning "999,9" soʻflikdagi oltin quymalari jahonning qimmatbaho metallar boʻyicha birjalarida Oʻzbekistonning brendiga aylandi.